



Inatsisartuni ilaasortaq
Anda Uldum, Demokraatit
Inatsisartut allattoqarfiat

17-03-2014
Sags nr. 2013-092890
Dok. nr. 1518439

§37 nr. 059 Repræsentation Washington

Inatsisartuni ilaasortap Andreas Uldumip, Demokraatit, Inatsisartut suleriaasianni § 37 naapertorlugu Washingtonimi kalaallit aallartitaqarfittaassaas pillugu arlalinnik apeqquteqarpoq.

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanaoq.gl
www.naalakkersuisut.gl

- 1. Naalakkersuisunut nassuiaqquneqarpoq Washingtonimi kalaallit aallartitaqarfittaassaas pillugu Kalaallit Nunaat Danmarkilu sunik isumaqatigiissuteqarsimanersut. Naalakkersuisunut aamma nassuiaqquneqarpoq aallartitaqarfeqarneq qanoq akeqartussat naatsorsuutigineqarnersoq kiisalu aningaasat sumorpiaq atorneqassamaarnersut.**

Namminersorlutik Oqartussaqqarneq pillugu Inatsimmi § 15 naapertorlugu danskit aallartitaqarfiini kalaallit soqutigisaannik isumaginnittussamik Naalakkersuisut atorfinitsitsisinnaapput. Washington DC-mi aallartitaqarsinnaanermik pisinnaatitaaffik taanna pillugu Naalakkersuisut Udenrigsministeeriaqarfik nalunaarfigivaat. Tamatuma kingorna aallartitaqarfiup ammarnaqarnissaanut piareersaataasumik allaffissornikkut misissuineq Udenrigsministeeriaqarfiup aallartippaa. 2014-imut Aningaasanut Inatsimmi 2,5 mio. koruunit ingerlatsinermut Udenrigsministeeriaqarfiullu sullissinermi akigitamut akiliutissaanut immikkoortinneqarput, ingerlatsinermi akigititaq immikkut aallartitaqarnissamik aaqquussap ataani Washington DC-mi aallartitaqarnermut atuuppoq.

- 2. Naalakkersuisut uppersarsinnaanerlugu Washingtonimi kalaallit aallartitaqarfiata taamaallaat takutinniaraa Kalaallit Nunaat danskit Washingtonimi ambassadeqarfianni namminerisaminik sulisoqartoq sulisorlu taanna sutigut tamatigut danskit ambassadeqarfiannit oqartussaaffigineqartussaasoq?**

Nunani allani danskit sinniisoqarfiini aallartitaqarfiinilu kalaallit sinniisuutitaqarnissaannut atatillugu suleriesissat atugassarititaasullu aalajangersimasut atuutsinneqalereerput. Taamatut sulerieseqarneq tassungalu atatillugu atugassarititaasut Washington DC-mi kalaallit aallartitaqarfissaani atuuttussanngorlugit ingerlateqqinneqareerput. Sulisunut Udenrigsministeeriaqarfimmit aallartitaasunut assingusumik Kalaallit Nunaannut sinniisuutitat atugassaqqartinneqarlutik atorfinitsinneqarput, taamalu aallartitaqarfiup naalakkersuisunut sinniisuisa ilaattut nalunaarutigineqarlutik. Soorlu Namminersorlutik Oqartussaqqarneq pillugu Inatsimmi § 15-imi allassimasoq, suliassaqqarfiit

Namminersorlutik Oqartussanit tamakkiisumik tiguneqarsimasut iluini kalaallit aallartitaat namminersorluni suliaqarsinnaasoq, taamaammallu suliaqarfii taakku iluini Naalackersuisunit ilitersomeqarluni sulisinnaasoq. Aammali kalaallit soqutigisaannik suliaqarfeqarpoq suliaqarlunilu naalagaaffiup oqartussaasuinit suli isumagineqartussanik, taamaammat aallartitaqarfiup sulisuinik ulluinnarni suleqateqamissaq iluaqutaallunilu pisariaqassaaq. Aammattaaq ambasadørip akulikitsumik ataatsimeeqatigineqartarnissaa isumaqatigiissutaavoq, tassani ataatsimut soqutigalugit suliasat pillugit ilisimateqatigiittoqartassaaq apeqqutillu suliamut attuumassuteqartut oqaloqatigiissutigineqartassallutik.

3. Suna pissutaava Naalackersuisut isumaqalersitsiniarmata Washingtonimi aallartitaqarfittaassaq immikkoortuusooq nammineq aalajangiisinaalluni?

Apeqqut 2-mut qulaani akissutigineqartut innersuussutigineqarput.

Inussiarnersumik inuulluaqqusillunga
Med venlig hilsen


Aleqa Hammond